



القداس من الكتاب المقدس

+ فى أضافة جميلة لروحانية القداس لما تبقى مستوعب علاقة اللي بيتقال بالإنجيل, أو لما تكون كتابى قوى ومراجع الإنجيل وأنت بتصلى القداس دة بيعطى عمق للصلاة.

+ زى ما أنت فاهم أبونا بيعمل كده ليه؟ بتبقى كمان مستوعب أبونا بيقول كده ليه؟ .. حتى لو هذا يبدو دراسى شوية - إنما هو مفيد.

- لما تكون مذاكر الجزء اللي من البولس وتلاقيه بيتقال فى الليتورجية بيعطيك طعم وأنت بتصلى.

- لما يكون واحد فاهم المزمور كويس ويجى يصلى بالأجبية, غير خالص لما يكون حافظه وبيقوله وهو مش فاهمة.

☒ كل صلوات الكنيسة تقريبا من الكتاب (حرفا أو فكرا), يعنى ممكن تبقى آية بالحرف متقالة من الليتورجية فى النص, أو تكون متقالة كمعنى بس مأخوذة من آية من الكتاب.

أمثلة:

أولا: صلاة الصلح:

(يا الله العظيم الأبدى الذى جبل الإنسان على غير فساد)

+ تعبير غريب شوية .. غريب على الودن العادية, ولكن مش غريب على اللي مذاكر الإنجيل, ففى آيات كتير عن الفساد وعدم الفساد, منها الآية دى مثلا:

"لَآنَ هَذَا الْفَاسِدِ لِأَبَدٍ أَنْ يَلْبَسَ عَدَمَ فَسَادٍ وَهَذَا الْمَائِتَ يَلْبَسُ عَدَمَ مَوْتٍ" (كو 15: 53)

- "لَآنَ هَذَا الْفَاسِدِ" يقصد طبيعة البشر أو الجسد لابد أن يلبس عدم فساد.

- فدى تفكرك أنت أتخلقت على غير فساد, والفساد دخل وربنا خرجة بالفداء, وتفكرك إنك هتمتع بعدم الفساد بالأبدية.
- والكنيسة حاطه ده فى أول صلاة الصلح عشان تقولك: أنت من الأصل مكنتش فاسد, اللي أنت فيه ده مش طبيعى, كون فيه خطايا, وفيه أحزان, وفيه نكد, وفيه قلق ... كل ده مش الوضع الأصلى بتاعك.
- أنت أتخلقت على غير فساد, ولا بد أن الفاسد يلبس عدم فساد (لأزم هتيجى اليوم واللحظة اللي فيها تستعيد الطبيعة اللي فقدتها بالخطية).

(الموت الذى دخل الى العالم بحسد إبليس).

- + فى آية فى سفر الحكمة ((من الأسفار القانونية الثانية)), تؤكد لنا أعتراف الكنيسة بهذه الأسفار من زمان (باسيليوس من القرن الرابع او الخامس).
- + فى القرن الرابع باسيليوس وهو بيكتب القداس أقتبص من سفر الحكمة ((دي أحد الحُجج التى تؤكد أن سفر الحكمة معتمد زى باقى أسفار الكتاب)).
- + فى سفر الحكمة يقول:

"لَكِنْ بِحَسَدِ إِبْلِيسَ دَخَلَ الْمَوْتُ إِلَى الْعَالَمِ" (الحكمة 2: 24)

- يبقى فى آية صريحة بتقول اللي أحنا بنقوله فى القداس.

(هدمته بالظهور المحيي الذي لأبنك الوحيد ربنا وألهنا ومخلصنا يسوع المسيح، وملاّت الأرض من السلام الذي من السموات هذا الذي عساكر الملائكة يمجّدونك به قائلين: المجد لله في الآعلى وعلى الأرض

السلام وبالناس المسرة)

+ **هدمته بالظهور المحيي الذي لأبنك الوحيد ..** جت منين؟ أحد المعانى يقول إيه؟

" **لأن إبليس من البدء يخطئ. لأجل هذا أظهر ابن الله لكى ينقض أعمال إبليس** " (1 يوحنا 3، 8)

- يبقى فكرة "هدمته بالظهور المحيي الذي لأبنك" دى مش اختراع القديس باسيليوس, ولكنها ترجمة للى قاله القديس يوحنا فى الإنجيل .. إن ظهور ابن الله كان من أجل أن يهدم أو ينقض أعمال إبليس.
- فى طقس صلاة الصلح أبونا بيشيل الأبروسفارين (الختم المثلث) ويحطه فوق رأسه كأنه مخبى عينيه, ويطلع شماس الناحية الثانية وماسك صليب ورافعه (وهو بيقل صلاة الصلح) وكأنه اللى هيعمل الصلح ((الصليب)).
- وكأنا وهو بيغمض عينيه يقول: أحنا منستاهلش نتصالح - مش بإيدينا نتصالح - ربنا هو لأزم اللى يجي يصالحنا.

الصلح يجى من فوق ميجيش من تحت لأن أحنا أصغر من إننا نصطح مع الله (أحنا اللى عاملين العاملة).
- لذلك أنشق حجاب الهيكل والكتاب قصد يقول: من فوق الى تحت, يعنى اللى شق الحجاب - اللى فاصلنا عن ربنا - كان ربنا نفسه.

+ عندنا آية جميلة تقول:

" **وَأَنْ يُصَالِحَ بِهِ الْكُلَّ لِنَفْسِهِ، عَامِلًا الصَّلْحَ بِدَمِ صَلْبِيهِ بِوَأَسِطَتِهِ، سَوَاءً كَانَ: مَا عَلَى الْأَرْضِ، أَمْ مَا فِي السَّمَاوَاتِ** " .(كو 1، 20)

ففي صلاة الصلح لازم يقف الصليب عالي عشان نفكر إن أصلحنا بالله, وأنرفع الحجاب اللي فاصلنا عن الله بدم صليبه.

- هنا مش آية تحولت الى نص ليتورجي, ولكنها آية تحولت الى طقس ليتورجي.
- النص ... الجملة اللي بيقولها أبونا, والحركة الطقسية أن الشماس شال الصليب وأحنا بنفك هذا الحجاب, وأحنا بنرجع العلاقة مفتوحة مع ربنا (بنشيل الأبروسيفارين).
- فالسيد المسيح هو اللي عمل الصلح مش أحنا, سواء كان على الأرض او في السماء .. فكنا أصلحنا.

ثانيا الأنافورة:

- + الأنافورة: هي الصعيدة, أو ما يصعد إلى فوق بيتسمى (نافورة).
- + أساس الأنافورة الجملة اللي بيقولها أبونا: **(أرفعوا قلوبكم)** ... هذا الجزء يسمى الأنافورة, وأحيانا كانت تقال على كل القداس فكان يقال:
- (أنافورة القديس باسيليوس) = (ليتورجية القديس باسيليوس) = (القداس الباسيلي), فأحيانا تتقال على الجزء وأحيانا تتقال على الكل.
- + الأنافورة تتقال على الجزء اللي يبدأ من: **(الرب مع جميعكم .. أرفعوا قلوبكم .. فلنشكر الرب .. مستحق وعادل .. أنت الذي يقف امامك).**
- هنا البداية بتاعتها بداية كتابية **(محبة الله الآب ... نعمة ابنه الوحيد ... شركة الروح القدس)** دا نص كتابي, فهذه التحية اللي يختم بها بعض الرسائل اوضحها في كورنثوس الثانية 13 .

" نِعْمَةٌ رَبَّنَا يَسُوعَ الْمَسِيحِ، وَمَحَبَّةُ اللَّهِ، وَشَرِكَةُ الرُّوحِ الْقُدْسِ مَعَ جَمِيعِكُمْ آمِينَ". (2كو13: 14).

كلمة مستحق وعادل من السماء:

- + "مستحق وعادل" دي مغشوشة من السماء من سفر الرؤية.

+ مستحق يعنى .. يستاهل الحمد , مستحق .. يليق بك الشكر , أنت تستحق كل إكرام و كل شكر , فمستحق وعادل إن نشكرك .

ويقول:

" قَائِلِينَ بِصَوْتٍ عَظِيمٍ «: مُسْتَحِقُّ هُوَ الْحُرُوفُ الْمَدْبُوحُ أَنْ يَأْخُذَ الْقُدْرَةَ وَالْغِنَى وَالْحِكْمَةَ وَالْقُوَّةَ وَالْكَرَامَةَ وَالْمَجْدَ وَالْبَرَكَاتَةَ! " (رؤ 5، 12)

- يبقى النص اللي بيقلوه الملائكة فى السماء, بنقله معاهم على الأرض (عشان كده دى بداية الأنافورة) ... كأننا طلعتنا السماء فغشينا الكلمة, بقينا واقفين مع الملائكة بنقول زيهم, هما بيقلوا:

(مستحق .. مستحق .. مستحق) وأحنا بنقول وراهم.

- يبقى نفس تعبيرات الملائكة ومديح الملائكة بيتبادلها البشر.

+ وهنكى الحكاية من الأول (تبدأ من الخلق) لأن الخلق أول عطية خدتها البشرية, فالوجود نفسه عطية - ما أنت ممكن مكنتش تبقى موجود - فأنت كونك أتخلقت, أو أتوجدت كمخلوق محبوب من الله مُرْشِح للحياة الأبدية ده رصيد كبير قوى وعطية كبيرة جدا.

- فأحنا بنبدأ بالعطية (أنت الكائن اللي خلق كل شئ) دي بردوا مغشوشة من الكتاب.

" فَلَمَّا سَمِعُوا، رَفَعُوا بِنَفْسٍ وَاحِدَةٍ صَوْتًا إِلَى اللَّهِ وَقَالُوا: «أَيُّهَا السَّيِّدُ، أَنْتَ هُوَ إِلَهُ الصَّانِعِ السَّمَاءِ وَالْأَرْضَ وَالْبَحْرَ وَكُلَّ مَا فِيهَا" (اع 4، 24)

• ودا نص ليتورجى يعنى إيه؟

- نفس الكلمات دى تتقال فى القداس الباسيلى ((السماء والأرض والبحر وكل ما فيها)).

ثالثا التقديسات:

(الشاروبيم يسجدون لك والسيرافيم يسبحونك صارخين قائلين: قدوس ... قدوس)

+ قدوس .. مغشوشة من إشعياء.

- إشعياء شاف المنظر وسمع الملائكة يقولوا: (أجيوس) فلأنا بنقول أحنا واقفين حولينا ملايكة وواقفين مرعوبين.

- **(بجناحين يغطون وجوههم و بجناحين يغطون ارجلهم ...)** كل دى تعبيرات كتابية, فالهتاف اللى هيقولوه الملائكة نقوله معاهم.

☒ يبقى أول القطعة هتاف كل الكائنات السمائية بتعبير **(مستحق)**, وفى آخر القطعة كل الملائكة بيقولوا أجيوس فبنقول معاهم **(أجيوس)**, ويستلمها الكاهن ويقول: (أجيوس) تانى لأن الملائكة كانوا بيردوا على بعض.

☒ أحنا كشعب المرة دى نبدأ قبل الكاهن ..

(السيرافيم يسبحونك ... قائلين: قدوس قدوس رب الصباؤوت) نلاقى أبونا بعد رد الشعب مسك الصليب تانى وقال: **(أجيوس .. أجيوس)**.

أبونا بيرد على الشعب زى السماء بالظبط لأن فى السماء فيه مُرابعة.

الأربع كائنات القريبين يقولوا: (أجيوس), يرد عليهم الـ 24 قسيس, يرد عليهم جمهور المؤمنين, وبعدين الملائكة يردوا .. ((سينفونية ضخمة)).

+ **(هذا نادى ذاك)** يعنى بيرابعوا و بيردوا على بعض, فالشعب بيقول والملائكة ترد, ((والكاهن هنا يمثل جمهور الملائكة)).

- أبونا اللى لابس أبيض: كأنه واحد من الملائكة بيرد على جمهور المؤمنين اللى قالوا: (أجيوس), هو يدخل كمان يقول (أجيوس) زيهم.

آجيوس:

+ هنا احنا بنعيد الحكاية تانى: (إن ده ربنا الحلو اللي خلقنا, وأحنا عملنا العاملة السودا فدخلنا فى الموت, جه بنفسه عشان يشيل الموت ويرجعنا السماء) ... فنعيد و نزيد فيها طول القداس.

+ لما بنقول آجيوس ... فيها نسمع الكلمة الغريبة حكاية الغواية ... (فى التكوين) يقول:

" فَقَالَ الرَّبُّ الْإِلَهُ لِلْمَرْأَةِ: «مَا هَذَا الَّذِي فَعَلْتِ؟» فَقَالَتِ الْمَرْأَةُ: «الْحَيَّةُ غَرَّنِي فَأَكَلْتُ» (تك 3، 13)

الجزء اللي هو:

(الموت الذى دخل الى العالم بغواية الحية, فسقطنا من الحياة الأبدية ونفينا من فردوس النعيم, فلم تتركنا عنك الى الانقضاء بل تعهدتنا بأنبيائك).

• جنبها من فين؟

اللى هى

" اللَّهُ، بَعْدَ مَا كَلَّمَ الْأَبَاءَ بِالْأَنْبِيَاءِ قَدِيمًا، بِأَنْوَاعٍ وَطُرُقٍ كَثِيرَةٍ " (عب 1:1)

(فى آخر الأيام ظهرت لنا) .. اللي هيا

" وَلَكِنْ لَمَّا جَاءَ مِلْءُ الزَّمَانِ، أَرْسَلَ اللَّهُ ابْنَهُ مَوْلُودًا مِنْ امْرَأَةٍ، مَوْلُودًا تَحْتَ الْفَامُوسِ ". (غلا 4:4)

+ كل الأفكار الليتورجية أو المعانى (هى كتابية), أحنا بنحكي القصة و عمالين نلقت من بولس حته, على من التكوين حته, على العبرانيين وهكذا.

+ الجزء بتاع آجيوس بيحكي الخلاص على مرحلتين:

- الخلاص المُعد من السماء (الخلق) ثم (السقوط) ثم (التجسد والفداء).. تسمى المرحلة الأولى من

الخلاص.

- ثم المرحلة التطبيقية للخلاص أو امتداد الخلاص (الميلاد الجديد .. الشعب المختار .. الحياة المقدسة), كل دا بيتقال في قطعة آجيوس.

(في آخر الأيام ظهرت لنا نحن الجلوس في الظلمة وظلال الموت)

(تجسد وتانس وعلمنا طرق الخلاص, أنعم لنا بالميلاد الفوقاني ... (المعمودية) من الماء والروح, جعلنا له شعبا مجتمعاً (الروح القدس خلانا شعب جديد), وصيرنا أطهارنا بروحك القدس (الميرون) هذا الذي أحب خاصته الذين في العالم) ..

+ هنا دخلنا من عمل المسيح لعمل الكنيسة, اللي بيعمله المسيح جوة الكنيسة بردوا ((اللي هيا الأسرار)).

- كل دا امتدادا من آجيوس, نحن نقدر الله ونعطي القداسة لله الذي خلقنا وأحتملنا وفداننا وأعادنا إليه بالميلاد الجديد وجعلنا شعبا وخط فينا روحه .. كل دا اسمه الخلاص اللي أحنا بنتمتع بيه.

+ فكرة الميلاد الفوقاني (الميلاد الذي من فوق) نص كتابي فالسيد المسيح هو اللي قال:

" أَجَابَ يَسُوعُ وَقَالَ لَهُ: «الْحَقُّ الْحَقُّ أَقُولُ لَكَ؛ إِنْ كَانَ أَحَدٌ لَا يُوَلِّدُ مِنْ فَوْقَ لَا يَقْدِرُ أَنْ يَرَى مَلَكُوتَ اللَّهِ»
" (يو 3:3)

+ يقول في تيطس: (يظهر لنفسه شعبا خاصا) يبقى جعلنا له شعبا, فكلمة شعبا دي عهد جديد, فأحنا بقينا الشعب المختار.

(هذا الذي كنا ممسكين به) كان الموت ماسك فينا مش عارفين نخلص منه.

تعبير كتابي:

" حَتَّى كَمَا مَلَكَتِ الْخَطِيئَةُ فِي الْمَوْتِ، هَكَذَا تَمَلَّكَتِ الْبُحْبُوحَةُ بِالْبِرِّ لِلْحَيَاةِ الْأَبَدِيَّةِ، بِيَسُوعَ الْمَسِيحِ رَبِّنَا " (رو 5: 21) .

+ ثم نختم الجزء ده كله نقول

: (وقام من الاموات وصعد الى السموات ويأتي في مجده ليدين الأحياء والاموات)

+ ثم الجزء اللي يدخلنا على الأسرار (الخبز و الخمر) واخذناها بردوا من الكتاب:

"فَإِنَّ ابْنَ الْإِنْسَانِ سَوْفَ يَأْتِي فِي مَجْدٍ أَبِيهِ مَعَ مَلَائِكَتِهِ، وَحِينَئِذٍ يُجَانِبِي كُلَّ وَاحِدٍ حَسَبَ عَمَلِهِ".

(مت 16، 27)

+ والشعب كله يقول: **(كرحمتك يارب وليس كخطايانا).**

+ أنا بربط القداس بالإنجيل، فكأننا في كل قداس بنراجع محتويات الإنجيل كلها، والموضوع الأساسي اللي في الكتاب المقدس (واخدين الكلام حاطينه في الصلاة)، علشان كذا الشخص البسيط اللي مش بيعرف يقرأ لكن بقاله (50 سنة) بيحضر قداس هو فاهم الإنجيل أكثر من أي حد بحكم إنه حافظ القداس.

• علشان كذا مش بنغير في القداس ليه؟

- لأننا قاصدين إن الشعب كله يحفظ، فالشعب ده لما يحفظ لا يمكن يضيع لأن الإنجيل في قلبه، الإنجيل مش كتاب مفتوح في بيت.

**غياب القداس خلى الإنجيل المفتح اللي في البيوت [مش كافي إنه يحمي الناس]، بينما
القداس اللي بينصلي كل يوم كافي يحمي الناس لأنه عبارة عن إنجيل مُصلى .**

التقديس:

(ووضع لنا هذا السر العظيم)

+ بعد ما قولنا (ميلاد فوقاني .. وشعب مختار بالروح القدس ... وبعدين كرحمتك يارب)، وبعدين ندخل على اللحظة الحاسمة :

+ (وضع لنا هذا السر العظيم) هنا مش بنشرح فقط لا دا أحنأ بنشارك, داخلين على المرحلة اللي تخلينا نتحد مع المسيح.

+ (هذا السر العظيم الذي للتقوى) مغشوشة بردوا من تيموثاوس (سر التقوي) كلمة قالها بولس فقال:

" وَالْإِجْمَاعِ عَظِيمٌ هُوَ سِرُّ الدَّقْوَى. اللَّهُ ظَهَرَ فِي الْجَسَدِ، تَبَرَّرَ فِي الرُّوحِ، نَرَأَى لِمَلَائِكَةٍ، كَرَّرَ بِهِ بَيْنَ
الْأُمَّمِ، أَوْمِنَ بِهِ فِي الْعَالَمِ، رُفِعَ فِي الْمَجْدِ. ". (1تى 3: 16)

- دا بيتكلم عن التجسد وأنت بتتكلم عن الافخارستيا؟.
- هو سر التقوي هو سر التجسد ولا غير الافخارستيا؟
- الحقيقية لازقين في بعض لأنه بدون تجسد مكنش يبقى في جسد حقيقي على المذبح, دا امتداد لده
لأن الله ظهر في الجسد, فأصبح عندي على المذبح جسد الله .

(أؤمن و أعترف أن هذا هو الجسد المحيي الذي لأبنك الوحيد)).

- + يبقى هذا السر ليس أيمان نظري (إنما أيضا مشاركة فعلية), فأنا أؤمن إن المسيح تجسد وأكل من جسده,
فالإيمان مش فكرة قديمة حصلت من 2000 سنة دة أشارك يومي في الذبيحة, في السر.
- + النص الليتورجي دقيق جدا أنه يقرب الإنجيل ليتورجية, يعني واخدين متي علي مرقص علي لوقا كدا.
- الكلمات بتاعت التقديس هيا هيا حطيناها في الليتورجيات, تلاحظوا إن غوريغورس وباسيليوس شبة
بعض بقي ليه لإنها نفس كلمات التقديس
- (أخذ نقول أخذ .. بارك نقول بارك .. كسر نقول كسر .. أعطى نقول أعطى .. خذوا كلوا نقولها زي ما هيا)
لأن الحطة دي حساسة قوى نقولها زي ما قالها السيد المسيح عشان الناس كلها تبقى عارفة أن دلوقتي
المسيح بيقول كده.

+ أبونا معدش أبونا, دلوقتى بدلناه بالمسيح, وأحنا حاضرين العشاء الربانى زى التلاميذ وبنستمتع بنفس عظمة اللحظة دى ... إنه أخذ وشكر وبارك وقسم وأعطى ..

+ بولس نفسه كان له دور فى الحطة دى فقال :

" لَأَنِّي تَسَلَّمْتُ مِنَ الرَّبِّ مَا سَلَّمْتُمْ أَيضًا: إِنَّ الرَّبَّ يَسُوعَ فِي اللَّيْلَةِ الَّتِي أُسَلِّمَ فِيهَا، أَخَذَ حُبْزًا.
(1كو11: 23) "

+ وأبتدى يحكى هو كمان (و ده تقريبا الجزء الوحيد اللي قالوه الأنجيليين وقاله بولس تقريبا بالظبط).

- فبولس مكنش حاضر خالص زمن العشاء الربانى (لأنه بولس أمن بعد المسيح ما سعد ب 10 سنين) فمكنش مشارك خالص لا فى ليلة خميس العهد, ولا حتى أيام الخمسين اللي أتمتع فيها الرسل بقداسات مع السيد المسيح, ولا حتى الأيام الأولى اللي الكنيسة بدأت تعمل قداسات !!!.....!!!
- لكن دى بالذات بولس كتبها فى (كورنثوس الأولى 11) عشان تبقى وثيقة هامة إن هذا السر سلم للرسول جميعا بما فيهم بولس اللي جه متأخر عنهم شوية.

+ وهو اللي قال الجزء المكمل:

" فَإِنَّكُمْ كُلَّمَا أَكَلْتُمْ هَذَا الْحُبْزَ وَشَرِبْتُمْ هَذِهِ الْكَأْسَ، تُخَيِّرُونَ يَمُوتَ الرَّبِّ " (1كو 11: 26)

- كل دى كلمات كتابية تصلى فى الليتورجية كأننا بنقرأ الإنجيل ونعيد و نزيد فيه من غير ما الناس تحس.

رابعا الأواشى "الطلبات":

- هل الأواشى من اختراع الكنيسة إنها تصلى لكل حاجة فى كل وقت؟

- لا, دى مش اختراع (ولكنها وصية كتابية) لما يقول فى تيموثاوس

" فَاطْلُبُ أَوَّلَ كَلِّ شَيْءٍ أَنْ تُقَامَ طَلِبَاتٌ وَصَلَوَاتٌ وَابْتِهَالَاتٌ وَتَشْكُرَاتٌ لِأَجْلِ جَمِيعِ النَّاسِ " (1تى 2: 1).

و باقى الآية بي فصل يقول:

" لِأَجْلِ الْمُلُوكِ وَجَمِيعِ الَّذِينَ هُمْ فِي مَنْصِبٍ، لِكَيْ نَقْضِيَ حَيَاةَ مُطْمَئِنَّةٍ هَادِئَةٍ فِي كُلِّ نَفْسٍ وَوَقَارٍ "

(1تى 2: 2)

+ يبقى فكرة الأواشى المصنفة إلى طلبات من أجل فئات كثيرة دى وصية الإنجيل ..

+ التعبير اللى بنختم به الأواشى:

(حتى إذا يكون لنا الكفاف فى كل شئ كل حين نزداد ..)

ده بالنص كده قاله بولس (فى كورينثوس الثانية) لما يقول:

" وَاللَّهُ قَادِرٌ أَنْ يَزِيدَكُمْ كُلَّ نِعْمَةٍ، لِكَيْ تَكُونُوا وَلَكُمْ كُلُّ اكْتِفَاءٍ كُلِّ حِينٍ فِي كُلِّ شَيْءٍ، تَزْدَادُونَ فِي كُلِّ "

عَمَلٍ صَالِحٍ. " (2كو 9: 8)

+ هذا يكشف لنا مدى تطابق ما نصليه بالكتاب المقدس, وده يخلنا مستمتعين لإن وأحنا بنصلى أحنا بنقرأ الإنجيل أو بنراجعه فى أجزاء كتير من اللى احنا حافظنها من الإنجيل من (الليتورجية) حافظينها من غير مجهود بحكم إن أحنا بنصليها كل يوم.

خامسا المجمع:

+ أسماء القديسين جت بعد الإنجيل, لكن الفكرة نفسها موجودة فى الإنجيل (لما قال عن ساكبة الطيب وهيا تمثل كل نفس حبت المسيح قوى) طب هو المجمع إيه غير كده !!!?

فالمجمع: هو النفوس اللى حبت المسيح قوى, عشان كذا يقولوا ساكبة الطيب لم تأخذ أسم (هى مريم مرة أخت لعازر سكبت الطيب, بس دى واحدة تانية), هيا دى أساس المجمع لأن المسيح قال دى بالذات يخبر بما فعلته تذكرك لها.

- فكأننا لما بنذكر أسماء قديسين أشكال والوان, ستات ورجالة, شهداء, ورسل, وبطاركة, وأساقفة

كلهم بنطبق كلمة المسيح يُخبر بما فعلوه **يعنى إيه؟؟**

- يعنى نشهد لهم إنهم حبوا المسيح وجعلوا حياتهم طيب تحت قدميه.

+ تعبير اخر للقديس بولس:

"أذْكُرُوا مُرْشِدِيكُمْ الَّذِينَ كَلَّمُوكُمْ بِكَلِمَةِ اللَّهِ أَنْظَرُوا إِلَى نِهَايَةِ سِيرَتِهِمْ فَتَمَثَّلُوا بِإِيمَانِهِمْ" (عب13: 7)

سادسا الاعتراف الأخير:

+ يحمل 3 أبعاد أساسية, يبقى كلمة اعتراف تحمل: (إيمان – شكر – توبة) والثلاثة بيدخلوا فى بعض من غير ما تحس ..

+ النص الأخير اللى بيقوله الكاهن قبل تناول على طول:

(أؤمن و اعترف إن هذا هو الجسد المحيى الذى اخذه ابنك الوحيد من سيدتنا .. وجعله واحد مع لاهوته ... و

اعترف الاعتراف الحسن أمام بيلاطس)

+ الحقيقه دي غاششها من بولس بالنص, فيولس قال لتموثاوس:

"أوصيكَ أَمَامَ اللَّهِ الَّذِي يُخَيِّي الْكُلَّ، وَالْمَسِيحِ يَسُوعَ الَّذِي شَهِدَ لَدَى بِيلاطسَ البُنْطِيّ بِالاعْتِرَافِ

الْحَسَنِ" (1تى 6, 13)

... يبقى التعبير ده كتابى.

+ الشماس يختم و يقول:

(صلوا من أجل تناول باستحقاق)

- وهي كلمة كتابية لأن اللي قال تعبير الأستحقاق بولس و كرره مرتين فى كورنثوس 11.

" إِذَا أَيُّ مَنْ أَكَلَ هَذَا الْخُبْزَ، أَوْ شَرِبَ كَأْسَ الرَّبِّ، يَدْوِنِ اسْتِحْقَاقًا، يَكُونُ مُجْرِمًا فِي جَسَدِ الرَّبِّ وَدَمِهِ " (كو11: 27)

و عاها تانى و قال :

" لَأَنَّ الَّذِي يَأْكُلُ وَيَشْرَبُ يَدْوِنُ اسْتِحْقَاقًا يَأْكُلُ وَيَشْرَبُ دَيْئُورَةً لِنَفْسِهِ " (كو11: 29)

- يبقى لئلا نصير مجرمين فى حق الله أو مدانين الشماس بيقولنا: كلوا صلوا عشان تستحقوا.

- كأن الصلاة هتراجع معانا أمين, كيريايسون, آليويا .. واللي هتجهزك تبقى (مستحق).

ففى الصلاة هتعترف بإيمانك, هتعترف بخطيتك, وهتقول له: أشكرك من قلبى يارب, وبالتالي هتبقى مستحق.

- (صلوا من أجل التناول بإستحقاق) ويبتدي التسبيح علي طول اللي أساسه كلمه آليويا.

- لإلهنا كل مجد و كرامة إلى الأبد أمين

- **Anba Abraam Media**

- الخدمة محتاجة الكل و الكل محتاج الخدمة

